



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Homiliæ Qvadragesimales Reverendissimi D.ni P. F. Hieronymi Baptistæ De Lanvza Venerabilis memoriæ Episcopi Barbastrensis & Albarrazini, Ord. FF. Prædicatorum**

Ex Hispanico idiomate in latinum perfectè fideliterq[ue] iuxta posteriorem  
omnium, nouamq[ue] editionem translatae, & ab innumeris cùm S.  
Scripturæ, tùm SS. Patrum typographicis erroribus emendatæ ... cum  
triplici Indice ...

**Lanuza, Jerónimo Bautista de**

**Antverpiæ, 1649**

Svmmarivm. Homiliæ Trigesimæsextæ Seqventis.

[urn:nbn:de:hbz:466:1-53104](https://nbn-resolving.org/urn:nbn:de:hbz:466:1-53104)

non respondemus, & ad eius clamores obfurd-  
timus, & tactus dolore cordis intrinsecus, cum  
sui deficiamus, nobis ille viuas offert aquas: nos  
autem illas peruersi repudiemus: Hæ sunt eius  
voces: *Si quis sitit, veniat ad me, & bibat.* Illa spe-  
ctat variis Isaie verba: *Omnes sitientes venite ad a-*  
*guas.* Notat D. Hier. quod in Hebræo sit quoddam  
interiectio, quæ apud Hebræos eximium deno-  
tat dolorem & compassionem: *Heu qui sititis, ve-*  
*nite ad aquas.* Metaphora sumitur ab eo, qui me-  
dius stat inter morfos à serpentibus, & aspidibus  
sui morientes, cuius hoc omne studium esset, vt  
anxia nimis diligentia aquam inquireret, si for-  
te fontem inueniret aquas ebullientem suaves,  
recentes, refrigerantes, illasque sitientibus offer-  
ret: & quidem gratis: videret autem nemine acce-  
dere, bibere velle neminem, imo potius cunctos  
eorum magna molestia, & sudore effodientes  
illudque inter manus comprimentes, si forte vel  
aquæ gutta elicerent, quæ vel non efflueret, vel  
lutosâ foret & malefana: quo cordis dolore, &  
commiseratione exclamaret: *Heu amici mei, sitis*  
*perantes, attendite, quod vbi aquas quaritis, eas*

nequaquam inuenitis, saltem tales, quæ vobis si-  
tim extinguant, imo potius ilam irritabunt acer-  
bius. Venite, & videte, ecce viucentes offero vobis  
aquas limpidas, recentes, sanas & quidem gratis,  
nullo vestro labore, nullo impendio: ò quantum  
ingemisceret! Taliter Christus ingemiscit hodie,  
nobisque condolet, hoc illi trahit de corde suspi-  
ria, voces exprimit clamorosas, noltram quæ plâ-  
guamentiam, fatuitatem & insipientiam: *en quæ*  
*sitis, venite ad aquas* &c. Quænam sunt, ò Domi-  
ne, illæ aquæ illæ quas nunc in mundo consistens  
promittit (ait D. Hier.) exclamando: *Si quis sitit,*  
*veniat ad me, & bibat.* O quales aquæ! quàm vi-  
uæ, quàm efficaces, quàm sufficentes vt sitim ex-  
tinguant, vitamque largiantur? ò quantum conti-  
nent, & tribuunt refrigerium! ò quàm gratanter  
illas offert, & concedit, vt diximus de Samarita-  
na! illum cum ipsa deprecemur: *Domine, da mihi*  
*hanc aquam:* Fons diuine, da nobis hanc aquam,  
da nobis hanc per tuam misericordiam, quatenus  
hic de fontibus illis gratiæ bibentes, illa in glo-  
riæ pelago perfruiamur. Amen.

## S V M M A R I V M.

### HOMILIÆ TRIGESIMÆ SEXTÆ SEQVENTIS.



**H**ODIERNVM Euangelium ad tria puncta reuocatur. In primo Domi-  
nus ab Euangelista scribitur in Galilæa, profugus à Iudæa timore  
mortis, quam illi in Iudæa Iudæi inferre moliebantur: vt enim cum a-  
liis nobis ostendit diuina virtute fortissimum, sic modo describit il-  
lum humana timidum infirmitate. *a.* declarando veram fuisse huma-  
nam naturam quam assumpserat ex eiusdem effectibus, quos ad sui nominis assump-  
sit gloriam, nobis autem ad gloriam & emolumentum. *b.* Inter hos timor *c.* censur  
mortis, quo percussus sæpius se subduxit. Primum, demonstrans assumptæ humanæ  
naturæ veritatem. *a.* ac licitum esse Christiano fugam aliquando capessere tempore  
persecutionis. *d.* Secundum, pericula nobis esse declinanda. *e.* qui namque hoc mini-  
mè agit cum possit, vultque vt Deus eum eripiat, tentator hic est Dei, vt exponit D.  
August. & facta Sanctorum nos instruunt. *f.* Tertium, nos docet, qua ratione nos o-  
porteat opera nostra bona peragere diuinæ in omnibus conformes dispositionis. *g.* In  
secundo puncto quidam Saluatoris introducuntur parentes, qui nondum in illum  
credebant, eum adhortati vt Hierusalem tenderet, proprii lucri cupidissimi: frequens  
hoc est admodum mundanis parentibus. *b.* Quibus respondet Christus illis primò de-  
clarans quod gloriæ suæ mysterium ignorarent, per crucem explendæ. *i.* nos pariter im-  
buens, vt tempus nobis concessum vt illic transigamus, cum modicum sit. *k.* Et secun-  
dò



do causam illis aperiens cur eum mundus execraretur, quia scilicet nudam clarum-  
 18. que predicaret ipse veritatem. In tertio puncto Christus proponitur ascendens oc-  
 m §. 19, culte Hierosolymam, sicut aliquando in animam nostram venit absconditè, m.

- §. 1. D. Ioannes ut Angelus ascendit & descendit per Christum, in eo diuinam nunc exponens naturam, nunc autem humanam.
- §. 2. Ambulabat Iesus in Galilæam. Assumpsit Dei filius naturam humanam cum timore, & pœnis illius: quia sic glorie sua & honori nostro conueniebat.
- §. 3. Assumens Dei filius timores nostros & pœnas, illas despicit, & sanctificauit in nostrum commodum: ut docent D. Damascus & Card. Caietanus.
- §. 4. Timet Christus, & se subducit, ut veram suam ostenderet humanitatem, & quam verè dolores pœnasq; sentiret.
- §. 5. Christus secedit, ut confirmet esse licitum Christiano, tempore persecutionis quaerere latibulum.
- §. 6. Christus pericula formidat, ut nos in illis reddat formidosos, eaq; fugiamus.
- §. 7. Tenetur homo vitare pericula, sibiq; cauere, ne vitæ fiducia decipiatur.
- §. 8. Qui non fugit occasiones, tentat Deum, secundum doctrinam D. Augustini, nec debet absolui.
- §. 9. Confessarius penitentem de periculosis educat occasionibus, sicut Moyses populum, ut illum de Pharaonis seruitute liberaret.
- §. 10. Prædictum confirmatur Historijs notatum digni SS. Iacobi & Martiniani Anachoritarum.
- §. 11. Non volebat in Iudæam ambulare. Fugit Christus: quamuis enim mortem operiret: hac tamen non erit, nisi horâ à Patre præstituta, nos docens, qualiter opera nostra bona faciamus.
- §. 12. Dixerunt ad eum fratres eius: Vade hinc & c. Nonnulli de Christi parentibus in fide deficiebant, atque de eo credebant, quod hinc esset ambitiosus, & illinc pusillanimitis.
- §. 13. Voluerunt parentes illi Christi parentelam ad suum trahere emolumentum: frequens est hoc in mundo.
- §. 14. Tempus meum nondum aduenit. Fratres illi non intelligebant de Christo, quod exaltationem suam in Cruce fundaret, sicut serpentis in stipite: Hoc ipsum nos intelligamus.
- §. 15. Tempus meum nondum aduenit: tempus autem vestrum & c. Deus ut agat cum hominibus, aliquando tempus expectat, sed homo potest in omni tempore cura Deo agere: & impudentia est illum detinere expectantem.
- §. 16. Tempus vestrum semper est paratum. Tempus tuum modicum est, illud salutis tuae sollicitus impende: quandoquidem illud diabolus reddat in tui perniciem valde diligentem. Balena comparatur.
- §. 17. Tempus vestrum & c. Diabolus, quos nos perdat, attendit modicum sibi esse tempus: tu illud quoque considera, quo te salues, & muscipulam, quam vidit Amos reformanda.
- §. 18. Non potest mundus odisse vos & c. Oderant illi Christum, quia perfectam & ætænam proponebat illis veritatem, quam mundus ordinariè perhorrescit.
- §. 19. Ascendit Christus ad festum absconditè: & eo modo quandoque ad tuam ingreditur animam.